



Broj: 09-20-11-2-1758/24
Datum: 29.10.2024. godine

Na osnovu člana 43 i 45 Zakona o unutrašnjim poslovima Federacije BiH („Službene novine FBiH“, broj 81/14) čl. 27. i 70. Zakona o javnim nabavkama („Službeni glasnik BiH“, broj 39/14, 59/22 i 50/24), na prijedlog Komisije za provođenje postupka nabavke u skladu sa članom 8. Zakona o javnim nabavkama za 2024. godinu, v.d. Direktor Federalne uprave policije, d o n o s i:

ODLUKU

o poništenju postupka javne nabavke borbenog oklopnog vozila

I

Poništava se pregovarački postupak sa objavom obavještenja o nabavci u predmetu nabavke „Nabavka borbenog oklopnog vozila“ u skladu sa članom 69 stav 1 i 2 Zakona o javnim nabavkama BiH.

II

Na osnovu obavještenja o nabavci objavljenog u „Službenom glasniku BiH“ broj 39/24 od 07.6.2024. godine proveden je pregovarački postupak sa objavom obavještenja o nabavci, u predmetu „Nabavka borbenog oklopnog vozila“.

III

Ova odluka stupa na snagu danom donošenja, ista će biti objavljena na web stranici Federalne uprave policije.

Obrazloženje

Komisija za provođenje postupka nabavke u skladu sa članom 8. Zakona o javnom nabavkama za 2024. godinu, imenovana Rješenjem direktora Federalne uprave policije, broj 09-19/1-30-2-16 od 04.01.2024. godine, postupila je shodno obavještenju o nabavci koji je objavljen u „Službenom glasniku BiH“, broj 39/24 od 07.6.2024. godine, na osnovu čega je proveden pregovarački postupak u predmetu „Nabavka oklopnog borbenog vozila“. Procijenjena vrijednost iznos 1.111.110,00 KM bez PDV-a.

Komisija je u toku postupka nabavke zaprimila zahtjev za učešće u predmetnoj nabavci od ponuđača SHOT d.o.o. Zenica. Nakon čega je sačinjen Zapisnik o provedenom otvaranju zahtjeva za učešće u pregovaračkom postupku, te nakon što je Komisija utvrdila da zahtjev za učešće kandidata SHOT d.o.o. Zenica ispunjava kvalifikacione uslove, dat je prijedlog Ugovornom organu za donošenje odluke o rezultatima postupka pretkvalifikacije u pregovaračkom postupku nabavke sa objavljivanjem obavještenja o nabavci - I Faza.

Ugovorni organ pod brojem 09-20-11-2-1758/24 od 12.9.2024. godine donije Odluku o rezultatima pretkvalifikacije te je utvrđeno da je kvalifikovan kandidat SHOT d.o.o. Zenica.

Nakon donošenja navedene Odluke ponuđač KM TRADE d.o.o. Visoko uložio je Žalbu broj 677/24 od 17.9.2024. godine, zbog povrede odredbi upravnog postupka i pogrešne primjene portala javnih nabavki.

Ugovorni organ je Žalbu prosljedio na nadležno postupanje sa zahtjevom za nastavak postupka javne nabavke, Uredu za razmatranje žalbi Bosne i Hercegovine broj 09-20-11-2-1758 od 30.9.2024. godine, uz izjašnjenje da je ista u potpunosti neosnovana, neblagovremena, nedopuštena i da je Ugovorni organ u konkretnom slučaju postupio ispravno u skladu sa odredbama Zakona o javnim nabavkama Bosne i Hercegovine.

Dana 18.10.2024. godine od Ureda za razmatranje žalbi BiH pod brojem JN2-01-07-1-2638-11/24 od 17.10.2024. godine zaprimljen je Zaključak kojim se, sa danom 17.10.2024. godine, obustavlja postupak pokrenut po žalbi žalitelja KM TRADE d.o.o. Visoko broj 677/24 pd 17.9.2024. godine, izjavljenoj na postupka nabavke faza I pretkvalifikacijske dokumentacije broj 09-20-11-2-1758 od 23.5.2024. godine, u predmetu „Nabavka oklopnog borbenog vozila“, obzirom da je žalitelj KM TRADE d.o.o. Visoko izjavio da odustaje od žalbe broj 677/24 od 17.9.2024. godine, te je na osnovu člana 235 stav 2 Zakona o upravnom postupku, postupak obustavljen.

Obzirom na navedeno Komisija je dana 22.10.2024. godine pod brojem 11-19-11-2-1758/24 ponuđaču SHOT d.o.o. Zenica upućeno Obavještenje da je novi rok za dostavljanje početnih ponuda 28.10.2024. godine do 12:00 sati, a da su pregovori zakazani za dan 29.10.2024. godine.

Do navedenog roka ponuđač nije dostavio ponudu, zbog čega je neophodno poništiti postupak javne nabavke u predmetu: „Nabavka oklopnog motornog vozila“, u skladu sa članom 69 stav 1 i 2 Zakona o javnim nabavkama BiH.

Iz navedenih razloga rješeno je kao u dispozitivu ove odluke.

PRAVNA POUKA:

Protiv ove Odluke može se uputiti žalba u roku od 10 (deset) dana od dana prijema. Žalba se podnosi u pismenoj formi Uredu za razmatranje žalbi, a putem ugovornog /prvostepenog organa.

Prilog:

- Zapisnik broj 09-20-11-2-1758/24 od 28.10.2024. godine



Vahidin Munjić

Dostaviti:

- Sektoru za finansije i javne nabavke
- u spis